

Ккелахъанна хІуч

Агъуларин са хІуриъ гьалдахи суман дуламиш вей ахъуная учин хІададахъай са ккелахъан.

Гьер хъидана ккелара фай чІириъ ахъуная ме. Рагъ фагъучІугъилди, рухан багулив фает чІириди адикай хъуная ми ккелар.

Рагъ ариенасттегъен батІарди Іелди хъуная ккелари, хупнай джалла завал вей хъуная эхъуьнаккди. Іайи куче хъугуна, рухахъди гъуккай - хабра вей хъуная.

Ккелахъанра дурхІай учин ккеларихъайра эркъвай хъуная. Уч шавлахъегуна, гІагъучІуна кІукІаригІди, атай суьретІра эркъвай хъуная ме.

Гъегиштити, батІар чІирарил, тукаригІ фартай хъуная мебури чиппин ягъар.

Са ягъарикес са ягъа, экъуна ахъуная ккелахъан кІуранин кІенакк, ахъухъуна. Рухан варттигъас суман унихъуная мис ккицІурцІ суман унар.

Гъушуна учин бицІи ханджалра, ушуная ме унар фиппурчугаакъас. Вархалас суман агуная ккелахъандис хІуч-баб, зазаригІ гІукъунае чарккурахъ хъуруцай.

ГучІ хъуная мис сад пуна. Гъуккай-гъуккай ушуна, акуьчІуная ме кІураник, гІагъучІуна кІекІваригІди батІарди хъуттурфуная ме хІучахъ.

Фера кумак акъас вей ахъунадава хІучафас учин чарккус. Іуьщитт йирхІуная кІиркІа, гъадишина хІуч чарккугъас. Агуная хІучас ме шиниккв. Са миннат аркъаф суман хъуттурфуная ме хІуч шиникквдихъ. Са-Іугелай кІурар ахъатуная шиникквди тІушуна адава хІуч але усалас.

Гъавурдиъ архъуная шиниккв учик хІуча кидатаф.
Гъушуна са кІашра, аркбай хІуппахъанари суман унара,
тІушуная ме чарккв гъае усагъди.

Фатуная ми кІаш, хІуч, гъавурдиъ архъеф суман,
бицІиди хабчукІуная.

Ява-яваштти гъучушуная шиниккв хІучан
чарккугъди. Аттивуна учин ханджал, агъукаІс алуцІуная
кІиркІ. Ме агъукІай агуф, хІуч тІушуная

- МагучІа, зун Іайвел акъасттава ве чарккус,- пуная ми.
ХІуч гъирхІуная, Іае вахтт идеф гъавурдиъ архъефсуман,
чаркквра сакин хъуная.

Дахи-дахи къатІ акъуная чарккун лекаригІ гІараджунае
ччеІра, гъадициная шиниккв.

ХІуч гъучушуная зазаригІди, са арайилас гІайчІуная
тидас чарккв. Баб хъучучІуная гис мез атай. Ккеллахъан
вархалас хъуттурфанди экъуная, фиштти шатти
аячин чаркквна баб.

Са арайилас, хъуттурфуная хІуч ккеллахъандихъ
чухсагъул агъаф суман, хупнай хъай учин чаркквра,
ушуная даради.

ГІуббехъми, хулади адегуна хІададас ахъакъуная ми
хъеф хъегъилди.

Са арайилас, фи кІвал хъефчира дагІай, Іешуная
кІиркІ. Іешалин негъвар алми, хІададан хІикатил
юркІвра алийина, гъархъуная бицІи ккеллахъан.



Притча «Бабан йиркІв»

Са кліркІасна рушас ккан хьуная сад - сайис. Амма руш хьуная са бицІи кустах тІулар кееф суманф. Са ягъа, кліркІа рушас учис хьирди шаб пугуна, руша агъая:

-Зун весе вас, нагагъ, вун зун не хьибу кар акьучи.

-Хьурай, - агъая кліркІа - ун ве курар.

-Саднеф, вун аттишина кканде са гъава дагъарилас. Ушуна аттишина кліркІ дагъарилас. Хунпай руша агъая:

-Іудне кар, вун ушуна сатти Іуьш акьуна кканде сувал. Ушуна эьуная кліркІ Іурдин микІил Іуьши, сатти сувал. Багамикестти дахи хаб вея рушахъди.

-Ми кар мишттинф э - агъая руша -хьибудне кар иджеф э. Гьал зас ве бабан йиркІв кканде, ги бабан разивел кканди агъас пунае гаф хьуная. КліркІ иджи гъавурдиъ адархьуна гьуккай вея хулади.

-Баб,- агъая ми - зун ве йиркІв файшуна кканде зе ккане рушас.

-Я бабан,- агъая баба -вун зас хе шиниккв э, фиштти э вун сасрайис зе йиркІв гъас адинаеф?

-Ваъ, баб - агъая кліркІ -зас чара адава дафайшуна. Гьегишттира пуна ккихьуна кленакк, алурицуна аттивуне кліркІа бабан йиркІв. Ихьуна бабан йиркІвра чантайиъ хІулакди - хІулакди ушуная кліркІ ккане рушахъди. Рекъуъ кичархьуна лекарикк къутт, алгъадаркуная кліркІ, чантайиас бабан йиркІв ура агъая:

-Иттар акьунев вас зе кліркІ?



Къаринна къуджайин бахтт

Хьуне агъа хьундава агъа са къарина къуджа. Мебурихъ шиникквар хъахьуна адава. Багамикестти рагъ фагъучластти ушуная къуджа хуйиди.

-Зун хаб верегунас, зас са яккун къутлур акъе,-пуная ми, уч верегуна. Те ушуф, ме къари акъуная учин хулан курар: хлунира, урчра адикуная ми, салара мертт акъуная, пелерисра ккехъуная, чарккварил экъунае пелеласра ккехъуная, хьеттара файдина, хулара джикуная. Ппара бизар хьуная ме килин ягъди.

Хьучучлуная ме яклвала якк атай, къуджайисна учис къутлур акъас. Якк ата вахттуни, киркьуна яклв гьаттархъуная мин хла тлуб. Гьушуна гьеге тлуб алгийина ми тахттайин варттал.

Адина кьуджа хуйиас. Агунай мис къари кезийина.

-Фи вас акъуф, пуная ми къарис. Ахъакъуная къари къуджайис учис фичин акъуф.

Иуьшуй, гуни Iелдегуна, фишттинчин унар унихъуная мебурис тахттайин вартталас. Хьуттурфунай мебур тлуб ахъунай лисал лихъванди. Гьушуна аладивуная мебури ге, афийина чиппихъай суфрайихъ. Гебурихъай гуни Iуьтлухаб, тлубу гьайшин пуная:

-Гьал закес чвас шиниккв хьурай. Зун чвас курара акъасе: IуькIер уцасра кумак акъасе, язан акъасра - фи кар айчин гьете кар акъасе.

Гьегиштти бахтт - хьуная къаринна къуджайин.



Биџиуна зун таккрайиас са идџи атафи. Зун таккрайиас гьел фатучин, гьемишан киркьвайи ишандис. Гьемишан гьелна таккра фай гланаъ адаркай авейи зун, фиттис атагъан агъай.

Сазелай гланаъ аягуна, агуне зас че багулив фае багъдин са кџурун кџекџваригџ кутџуларин пус. Фи ичугас батџарди хъуттурфугуна, агуне зас ге хъветталан муз идеф, хъветтра ая мугуйиъ гъурагъаларил алекъуна.

Уч дџсинихъуна, са рудџсна кџилдала фагъикџуна адава хъветталан.

Рудџ агугъилди ягџархъуне зас ме хъветт. Рудџурагџ гџая џуд дџсагвар мурџџар. Ме качагъа цац че пџелелан биџџи чаркквар файшуфи. Адине зас хъел.

- Агъ,- пуне зун- гъал вун заккес ккеттдархъичин хъурай уч. Гавур хъаттрикџ. Агъал зун вун кџесе ягџар хъасе вас фиштти че чаркквар хъадиркџенчин.

Аттивуне зун ке хџуьтте гъелра, тин кџекџв зун патефондин рубукес акъуна аяф и, акуьчџуне кџураник Зун вартт гџагъучџагунас, гъишине хъветт.

Агъ,- пуне зун ,- вун ягџа ккетасттава. Алдучџуна сасра кџуранилди, кегъучџуна вартт, экъуне зун михъ ахъутџуна.

Экъуне зун, экъуне, ахъуна лекариъ зибзра ая зе, рукъай адава хъветт. Фи ягџа, ге захъра нандиасчира хъуттурфанди экъуна аяфдетаре. Ададине гџанади че баб.

- Фие, вун гъелисал аркъаф?

Ахъакъуне зун бабас кџилди. Баб биџџи гъузуне, фикир аркъай, хупнай пуне зас:

- АлайчІв. Хьин ле хъветталас сасра Іемал акъасе.
Ги хье Іу чарккв файшуне цац, гьал файдирай хаб.

Гъушуне баба пелелан Іу гъурагъал, алдаркуне
гебурил гъазе ранг, хунпай акъуне гъурагъалдил буре
тІам-тІамар. ХІекъди хъветталанттар сумаи хъуне
пелелан гъурагъалар, са чІукъ бицІи ичира.

АлгъучІуне зун кІуранил, адайхъуне хъветталан
мугуйиас Іу гъурагъал, Іуд четтар кичикІуне.

ХъикІина экъуне чин, фи аркъай чугаакъас
хъветтала. Са арайилас бадил хъуне хъветт, тич - мич
хъуттурфуна, экъуне мугуйил.

Раккак ликІине зун къанна са хатІ, гъегидегъен
гагъдилас адатуна кканефе гъурагъалар.

Гьер ягъа са хатІ кертайи зун. ЙицІу ягъ алттушуне,
йицІу хатІ кетуне зун, цІегІуьфу ягъ алттушуне -
цІегІуьфуд кетуне.

Ахира, са хатІра киндава ягъ хъуне.
АлгъучІуне зун кІуранил, ая атуна пелелан чаркквар. Сад
хъуьхъеф, сад бегъемди рукъасра дарукъуф.

ЙирхІуна чанг, икІуна бармакиъ Іудар чаркквара
алайчІуне зун.

ХъаттрикІ - хъветт ая къвагІ- алихъуна зе варттал,
учин чаркквар фаттивас кканди.

- КъвагІ йирхІ, къвагІ йирхІ, веттар дава мебур,
четтар э. Гъелиштти верефе вас.

ХІа хъуне че чаркквар, хъуне гебурикес батІар Іу пел.



Ахттилатара аркъай, экъуна ахъуная тIирIаригI джакъвар. Са арайилас архъуная мебурин хIуьджат; нахширарикес ке Iаеф фуш ичин.

Сакинди экъуная вегIдайи хIуьджатар аркъай вейдава мебури, хупнай эл ккикугуна, башиламиш аркъае мебурин хIуьджатар.

- Ке Iаеф къурмяв гитан э,- пуная са хъуру джакъвала, учис гитани беI йирхIуна, Iатте акъухIела.

- Шиникквар, ая гитаниласра Iаеттар, пуная баба,- гъемишанди гъурагъалар хъадиркIенттар.

- Зун гебурилас гIерз акъуная вецуна, пуная цIив-цIивар аркъай сасра джакъвала. Вецуна акъасе гебурин кар.

- Шиникквар фие,- пуная къукъуди, гебуригъас гъишас хъасе, амма пазис кичархъичин, ккеттархъас хъасттава.

- Зас гъинагъасра гучIайдава,- пуная кегъархъай аме са бицIи джакъвалан чаркку. Зун гебур джалла IуьтIанасе. Гъеге агъай ами, алттиная са хIа нахшир. джакъвар къуттар суман алахъуная тIирIарилас, гъишина джаллабур.

ДагучIа джакъв, кейхъуна гъилара, ушуная IуькIеригIас. Адина хIа нахшир - пази, йирхIуная мис муул, гIаттархъуная муулигIас, амурдиъ адавай гъишин, ачархъуная ме хIуьрчалин мугуйиди.

Мугуйиъ гъархъуна ахъуная Iуссе хIуьрчал. Пус акъуна хъадикIинае къур ахъуная гин багулив, Iуларин лекар ахъуная учис Iурдис рукъуна.

- Агъ,- пуная джакъвала,- гъал зун кIине.

Зун IуьтIанастти, зун ме кIесе пуна, дагъун гъилара ушуна алчишина йирхIуная ми хIуьрчалин хъвехъурас

муул.

- Фие гъеме зас вичІ-вичІар аркъаф пуна, кетІуная хІуърчал.

- Вунев ме, гаи хъунае джакъумай, ІуьтІен вас къур, ІуьтІен,- пуная хІуърчали. Ламус хъуная джакъвалас.

Герзар аркъай хъучучІуная ме пазилас.

- Агъ, гавур къачагъ,- пуная хІуърчали,зун гис агъаттар пасе. Те зе къудан э,- пуная хІуърчали, чин хъай Іулар фацанас вей вее. АгъучІуная мебур мугуйиас. Удигъ хІуърчал, къабахъ джакъв. Зас фи кканди фурсар акъас агъай фикирар аркъай хъуная ми.

- Мичшаб - гва мич, мишаб,- пуная хІуърчали, агъучІуная вартт. Хъуттурфуная джакъв: мугуйин удигъ экъуна ахъуная пази, дахъуна сивра.

Алийина улара, фаттархъуная джакъв, уч ІуьтІуф суман хъуна. Са арайилас кІаре нахири, йирхІуная къвагІ, джакъвари фунар фацуная эхъ ккерхъуна. Ме уч хъуная Іуьссе къвагІанай-хІабаб.

- Фие, Іемаларин кІечІ,- пуная хІуърчали джакъвалан чаркквус, - тІапІ аркъав вас гъал? Гъал сара, са-Іу уд къваран чира фаша зас, зе ккулра.

Хъацуная хІуърчали учин ккулра, экъуная уьцттра атай, джакъварин лехъунарихъ хъуттурфанди.

Ламус хъуная чарккурас, гІайчІуна мебуригІас экъуная ме, са къалин ІуькІеригІ джанихъуна.



ДалуькӀе муь

Хьуне агъа - хьундава агъа са дадна баб. Хъай уйи агъа Гебурихъ са кӀиркӀ. КӀиркӀан вей уйи агъа цӀехьибу-цӀеякъуд исар.

Сагелай гин дад вей хьуная кӀиф икӀавусади. Те кӀиркӀра ахьихъай хьуная гихъ. Дад аларцуна адиная хаб. Дадан фикир хьуная джусьре рекъди вес. Те кӀиркӀ хабра ахьихъуная, хунпай агуная ге кӀиркӀас кӀиф икӀагъилди, фиштти руг алархъайчин. Хулади адегуна, пуная ми дадас: Хьинна кӀегуна, гьегистти эв икӀаф?

Дада пуная: «Селебар хъуьхъехъегуна, чӀарар джагвар хъегуна, хьинра кӀесе».

КӀиркӀа, ккан дава пуна, ушуная хулаас далуькӀе мукъуйихъас руцас.

Ушуная ме, ушуная, рукъуная са даради. Гисаъ гьучархъуная мис са нахшир, вец суманф.

Вецуна хабар гъуюгуна, ми пуная гьемиштти вефе, далуькӀе муь джикӀес. КӀиркӀа хабар гъуюная вецунафас, мус луькӀеф ичин ге нахшир. Ти пуная: « Гьеле дарар зе кӀарчари ацӀучин, зун кӀесе. Ушуная ме хъара, гьучархъуная муьцӀарин нахшир. Гира пуная, гьеме сувар муьцӀари ацӀугуна, зун кӀесе.

Мертти гӀеджибанангъилди хьуна, вей хьуная ме кӀиркӀ хъара. Вей-вей, рукъуная ме са мукъуйиди, хӀур суман усади. Ге хӀуриъ ахъуная Іу инсан. Гебури пуная мис, вун рукъуне далуькӀе мукъуйиди. Экъуная ме гебурихъай ацӀун вахттунни.

Кеттушуная агъзур исар. КІвал хъуная мис учин дадар
бабар. ХІезур хъуная ме рекъуьди. Ге Іу инсанди йинай
мис хъибу гъеч. Вас четин хъе вахттунни, ІуьтІен пуная.

Вей-вей, гъучархъуная мис муьцІари ацІу сувар, луюкІей
нахишрра ахъунай. Сакин акъуна гера, ІуьтІун са гъечра
ушуная ме. Гъеч ІуьтІуф, хъуная мин чІарар джагвар.
Гъегиштти гъучархъуная мис кІарчари ацІуна дарра.
Сакин акъуна ге нахишрра. ІуьтІуна Іудне гъечра, ушуная
ме. Хъуная мин селебар хъуьхъе. Рукъуная ме учин хІур ая
мукъуйиди.



ХИКАЯТ «ГУГ – РУШ»

Хъуне агъай, хъундава агъай са бабахъна дадахъ са Гуг-руш агъа руш. Са ягъарикес са ягъа ушуная ме учин къучмабурихъай даради пустталаяр завал аркъас. Вей мебур вей рекъди аргвай -даргвай мучIира хъуне. АцIуна чиппин къабара хаб хулади верегуна алттархъуная мебурин рекъ. Руцай руцай аттархъуная шибер дараъ са хулахъди. Гъучашуная Гуг-руш хулагъди, хъирхIуная ракахъ. Ракк дахъуне аждагъи. Гъишас ккан хъуне шиберис, нандиъ фацуная аждагъи мебурин рекъ.

Ачафайдина хулади йина IуьтIафра, гъархъас акъуная аждагъи шибер. Сур Iуьшари хабар гъушая аждагъи:

-Гъархъуф-дагъархъуф амев?

-Аме.

-Фуш э?

-Зун Гуг-руш э.

-Фикъас гъархъаф дава вун?

-Зас че хIабаба гъархъастти хIикатар ахъаркъафи. Ахъаркъуная хIикатра, са арайилас хаб хабар гъушая аждагъи:

-Гъархъуф-дагъархъуф амев?

-Аме.

-Фикъас гъархъаф дава вун?

-Зас че баба гъархъастти дарайин берхIемар дикъвафи.

Дикъвуная ми дарайин берхIемра, хупнай хабра хабар гъушая аждагъи:

-Гъархъуф дагъархъуф амев?

-Зас че дада гъархъастти зерфелиъ ай нецIвухъас хъед гъафи.

Ушуная аждагъа нецІвухъди зерфелра фай хъед гъас.
Гуг-руша ме арайи кегъикуна къучмабура гъушуна
усттулилас рубна, рагІна, къелра гъишина.

Адина ааждагъа нецІухъас бизар хъуна, фадавай
хъедра. Верегуна аандава хулаъ шибер адине ааждагъис
хъел, хъихъ ми гебурихъ.

Агуне Гуг-рушас ааждагъа хъихъуна фаттихъуная рагІ,
те рагІалакес хъуная дар.

ДарагІас гІайчІвагуна хъуная ааждагъин са гагъ. Хабра
хъихъуная, мегелай Гуг-руша фаттихъуная руб. Агъдине
рубарин дагъар. Ге дагъарилас алачІвагуна, атІуне
ааждагъин гъилар, лекар.

Хупнай Гуг-руша фаттихъуне къел. Къелакаес хъуне
къелан дагъар. Ге дагъарил кІине ааждагъа атІу усариъ
къел ачашуна угай.

Гуг-руш учин къучмабурихъай сагъди рукъуне хулади.



БицІи Мусайис ппара гагъ и учин кѣучма Расулан суман машин кканди. Мусайи гъемишан бабас гъушан агъай хъуне Расулан суман машин. Бабара дада агъайи пул хъудава, вун дуьгІа акъе Аллагъдис вас машин кканчин. Мусайи даданра бабан пef акъуна аркъай хъуне Аллагъдис тІалаб, учин дадахъна бабахъ пул хъурай пуна учис машин гъуянас. Іуьшттира ягъдира дуьгІебур хурай хъуне Мусайи, джуваб вейдавуь.

Са ягъа хулади верегуна Мусайис агуне Расулан машин кІвалас ушуна илгунаф кѣумул. Тич-мич хъуттурфуне Муса. Раккагъ фушра адавуь, гис гъушуна игрушка гъас кканхъуне Расулан хулади, хаб фикир хъуне учис атас, гъинасра агуна адава, гебурис джураттари файшуф суман хъасе Мусайи дѣжин акъуна машин файшуне хулади. Іуьшуй ахуникк кІвал хъуне мис учи акъу кар, учи дуьгІебур акъухІела Аллагъди еф суман хъуне машин.

Багами машинихъай дурхІая Мусайилди ачадине баб, гис агуне машин. Хабар гъушуне, нандиас хъуфе игрушка? Мусайи агъукІуна кІилра зас ефе пуне, гъина э- пуне баба, Аллагъди- джуваб йине Мусайи. Бабас ягІар хъуне шиникквди Іемалар аркъаф.

- Дахи дузди уп нандиас хъуфчин вас ле машин пуне баба. Мусайи ахъакъуне аф агъилди. Баб Іешуне. Зе кІиркІ, вун хъадикІине сасрайин шейъ.

Мусайис гучІ хьуне, зун хъадикІиф дава, зас джикІифе,
зун дуьгІебур ппара акьуна, зас Аллагьди ефе, зун
хъаттрикІ дава пуне Мусайи. Ле вас бахи дава вун
Аллагьди агьтІуркІуфе, вун мусульманин э, вун фачийина
кканефи учис эссив, вас дайиная шейъ гьушуна
кканефдава, гъавурдиъ архъаяв вун зе кІиркІ? - пуне баба.
Мусайис фикир хьуне учи акьу чІирхІе кардин, гъавайилас
Іешас фачучІуне. Аде дадас агуне Іеша бабра Муса - фие
акьуф, пуне дада.

- Гьемиштин чІирхІе кар акьуне - пуна ахъакьуне баба
дадас. Хъел адиная дадас алухІуне Мусайихъай, гъал
гунагъ хъасе вас, инсанари фи фикир акьасе хъехъас.

- Дад, баб, зун гъавурдиъ архъуне чІирхІе кар акьуф, зас
намус хъуная, фиркьа зун Аллагьдира чунра гъил гъуянас-
пуне Мусайи.

- Вун Аллагьдис тІалаб акьуна кканде сара миштин
чІирхІе кар акьуна ккандава, - пуне дада. Мусайи кеди-
кІуна гъилар дуьгІа хуруне, чІирхІе курар акьасттава
пуна хІу акьуне.

Гъал зун весе Расулалди гъил гъушра пуна машин
фачиянасе пуна ушуне Муса.



Фиштти хъира шувас Iемалар акъунайчин

Уйи агъай авалан вахттунни са шуйна са хъир. Шувахъ хъуй учин дуре хIуппар са вершдегъен, гьер иса хулади гъай хъуная ги йицIу-цIелу кила хъеяр. Гъеге хъеярин гъушай ахъуная гин хъира мяд, нетIуф, гъечар, джихерар. Шува пуне агъай са ягъа.

-Я зе хизан, зун гъемидегъен хъей гъай са шал рухундавахин вун зас, чухай акъас.

- Гъарай зе шуй, - пуная хъира, - зун вас ппара гагъ э пас агъай шал рухас кканди фиштти агъачин дагIай, вун маруха пас гучIай аеф э зун.

-Ичин вун миштти акъе зе хизан. Гъуше са бадра уьттан, са тIугайи ае ччем захъра хъая. Гъили лихунар аркъагуна ччемна уьтт IуьтIуна кканефе.

Файиная шува уьттра...Хъира хъеяр тIу аркъагуна сазелан уьтт Iелдихъуная хупнай ччем, гъиларик хъеяр кикъугуна ачархъай хъуная пичиъ. Акъуная хъира Iу гилген ттунин. Гъал пуная хъира шувас, шаб зе къайфат, зун вас агвар акъасе зун фидегъен акъунайчин ттунар, уч хъир икъуная тIугаярин арайи. ГIанаъ икIуна Iудар гъилар, гъушуная гъиларив ттунарин гилгенар тIугайиас хIисаб аркъай хъуная сад-Iуд агъай.

-Магъа зе шуй - пуная,- цIеякъу кила алирхIарттар, гIуфу кила угъар, хъибу кила аттирхIаф. Баркаван шуй хъугъуна хъирахъ.

- Гъал,- пуная хъира,- вун ахварар атIас ушуна ккандия дараъ. Зун вун верегунас гIихъуна яккра хинкIар акъасе. Ушуная шуй ахвар атIас , хIуьягра алихъуна, хъирра хъучушуная шуван къабахъас.

Хъучучлуная шуй, са кIур атIас ахв акъас, хъира кIуранис йирхIугуна пуна, агвар акъутти суман, «Ахв атIучин шуй кIесе, шал ришичин хъир кIесе».

Хъибугелан якIв йирхIуная шува, хъибугелан пуна хъира, «Ахв атIучин шуй кIесе, шал ришичин хъир кIесе». Сара шува атIуна адава са кутIулра. Шуй хулади вес хъучучIугуна, хъир яхI акъуна ушуная хулади, хъучучлуная хинкIар акъас. Адина шуй са пашманди.

- Фие вас акъуф зе шуй, ппара пашманди айхин вун?

- Фи верефе. Зун ахв атIас кIуранис якIв йирхIугунадимари пунай дарагIас. «Ахв атIучин шуй кIесе, шал ришичин хъир кIесе», са дишагълин джилар и - пуная шува.

-Гъарай зе шуй, фидегъен Iекъул кее лихун акъундава вун, зунра вунра кIиванхав, шалу фиркбай, хъин вас Iу укъар йина гъушасе гъете рухаттаривас. Хъин Iелди хъе хIуппара экъвасе, хъеярин емишара гъушай.

ГъелехIелан э агъаф:

«Макур кее ттин лекаригI гIадиджирай. Фикир кее ттин джандил алдиджирай».

Качалахъас хІикат

Хъуне агъа - хъундава агъа са касиб качал. Ушуная ме Аллагъдилди учис девлет тин пас. Вей ахъуная ме чул атай, манзил атай, гъучархъуная мис хІуч.

- Засра тин уп са бицІифдехІера Іекъул, - пуная хІуча.

- Хъурай, - пуная Качала, - тин пасе.

Са хубджи манзил ушухаб, гъучархъуная мис са ппаччагъ:

- Наийч вее, Качал? - пуная ми.

- Валлагъ, - пуная Качала, зун Аллагъдилди девлет тин пас вефе.

- Давайчин, - пуная ппаччагъди, - зе сагъвел иджи адава, засра са бицІи сагъвел тІалаб акъе.

- Хъурай. - пуная Качала. Са арайилас гъучархъуная Качалас са касиб неджбер, забун вецара ккитІуна учин хуппур даркай.

- Наийч вее, Качал, - пуна, хабар гъшуная ми.

- Валлагъ хІалашуй, - пуная Качала. - зун Аллагъдилди зас девлет тин пас веяфе.

- Давайчин, засра тин уп гъеле вас суман девлет, - пуная неджбердира.

- Хъурай, - пуная ми, - фи агъа чІаларе лебур! Рукъуная ме Аллагъдилди.

- Я Аллагъ! - пуная Качала, - зун ваалди адефе вакес са тІалаб акъас, вак зе ппара муш кея.

- Уп ве дарди-хІел фи ичин, Качал, - пуная Аллагъди.

- Зун ппара Іайи касибди ая, зас са чІукъ девлет тин.

- Хулади ях вун, вун рукъагунас, ве хулаъ. ахъасе девлет.

- Зун ваалди веягуна, зас хІуч гьучархьуне, учис са бицІи Іекьулла тІалаб акье агъай, ппаччагъ гьучархьуне - сагъвел тин агъай, неджбера гьучархьуне - гьаме зун суман са чІукъ девлет тин агъай.

ЯгІар акьуная Аллагъди мис, фишитти гебурина курар дуьхьес аркьайчин. УчІуная Качал рекъуьъ хаб хулади вес. Гьучархьуная мис неджбер.

- Фи агъайи зас Аллагъди? - пуная неджберди

- Валлагъ, - пуная Качала, гьале ве хуйин яІаниъ Іу маргуй ахьасе агъайи кьизилари ацІуттар. Руцуна, аттивуная неджберди, удара маргуяр.

- Ма, Качал, са маргуй вас, - пуная неджберди.

- Ккандава, - пуная Качала, - захъ хулаъ гьузуная зе девлет. Айчин, хъара иджи э пуная неджбера. Хабди гьучархьуная мис ппаччагъ.

- Фи агъайи зас? - пуная тира.

- Валлагъ, Аллагъди агъайи, вун идемин кунар аликлуная хумбефе вун. Алдахъуна ве идемин кунара шувас ушучин вас иджсехьасе. Давайчин, зун хІекьданна хумбефе, вун зе шуй хьурай, - пуная ми.

- Ккандава. - пуная Качала. - Зе девлет захъ хулаъ гьузуна ая. Мишиттира пуна, учІуная хаб рекъуьъ.

Гьучархьуная мис хІуч.

- Фи агъайи, Качал?

- Валлагъ, - пуная ми, - заал гьемишиттинтара алчархьуне рекъуьъ, тебрин курара дуз хьуне, засра гьемишитти акьас. шаб пичйра, зун тебрихъ хьучудушуна, хулади веяфе. Захъ хулаъ гьузуная девлет.

- Зас фи агъайи? - пуная хІуча.

- Вас са кумеф ІуьтІучин, Іекьул дуз хьасе агъайи.

-Агъайив хІекьди?

- Агъайи.

*- Валлагъ, - пуная хІуча, - ваалас кумеф зас алчархьас-
ттава, зун ІуьтІанасе вун. Гьегиттира пуна,
ІуьтІуная хІуча хье Качал.*



КІилин ягъди алуçІуна, сагелай акъуная ши-
никквари ахтткІил кеусак чиппис цІухалаяр акъас
меркк. Завал акъуна гьер усаригъас ибхъ, акъуная мебури
хІа пус.

Абкъанис хъучархъуная мебурин пус. Алгъатуна
хъедра, ругъасттегъен агъушуная мебур хулади, гуни
ІуьтІанас. Чиппи гуни Іеле вегІдайи хъеттикес меркк
хъасе пуна, мушар кея мебурин.

Мебури гуни Іелди ае вегІдайи, ададине хулаас кънуши
кІиркІ. Ми меркк акъас кумак акъуна дава, хъуттурфан-
ди тІагариас экъуне, сасрабур фишитти лиханди айчин.
Фидегъен шиникквари унахъучира, кІилар ттурттанди,
гъилари ишаратар аркъай экъуне ме хулаъ, уч гъадартай
аеф суман раккагъди.

Шиникквар ушугъилди, дахи-дахи аликІуна
чакмабура адишине ме мерккуралди. Гъучадине ме
ибхъин гунтІ ае усагъди.

- Гъа,- пуне ми,- идже ахтткІил хъуная! Агъал зун
ккевесе. Гудж балайилди алгъучІуная - ме вартталди,
рапІ - алирхІуная.

- Вай,- пуная, - чІурхахи!

Гъайшиная ме, хаб алирхІуная. Са йицІугелай
алирхІуная ме фишиттира ке вартткІилади агъучІас
хъуна адава мифас.

- Гъал фиркъа? - агъае ми.

Акъуна фикирар, акъуна фикирар, ушуная ме къум гъас
мерккурал алахъас, учис алгъавес рехІет хъас.

Гъушуна къумра, алархъай учин удигъ, алгъучІай

алгъарукъуная ме.

- Гьал зун ккевесе! - пуная ми. Хъучуккуная ме ккевес пуна, рапI-акъуна алирхIуная хаб.

- Гьал фиштти э зун къумулас цIухалаяр аркъаф? Бегела адайшуная хаб. Са арайилас адиная шиникквар. Хъуттурфуная - кIилди къум алахъуная мебурин мерккурал.

- Гьина э ме чIир акъуф? Гьина э къум алахъуф? Вас агунду? - пуная ме къуниши кIиркIас.

- Агундава, - пуная ми. Ме зун алахъуфе, зафас алгъучIас девей уйихIела.

- Вун эв ге меркк акъуф, чин алучIуна джаллабури акъуне, вун гьал чIир акъуф эв! Фидегьен Iекъул кефе вун! Гьал фиштти э цIухалаяр аркъаф? Къуниши агъае:

- Мус хъунара ибхъ угъастту, къум ибхъикк хъегуна хъасе хъефас цIухалаяр акъас.

- Ибхъ са иеделайиласра угъасдеф хъасттава, час ягIа цIухалаяр акъас кканди ая.

- ЯгIайдава зас дахъичин. - пуная къуниши.

- ЯгIайду! ЧIир акъас ягIайив, батIар акъас эв дагIаф\ Гъуян дахи кIетIа!

Ккеттивуна конькибура, гъушуная ми кIетIа.

- Алахъ къумул ибхъ!

Алахъуная ми ибхъ къумул, шиникквари алгъатуная хаб хъед.

- Агьал ругъасе хупнай хъасе хъефас цIухалаяр акъас. Къунишин гешкъ архъуная кар акъас, багулифас зуьлерар акъуная ми.

- **Ме хъес джаллабурис алгъавес рехлет хъурай пуна,-
пуная ми. Дахъичин гына хъунара хаб къум алахъасе хъе
мерккурал!**



Ппаччагъдин руш

*Авалдин вахттари, дадар Іуьссе хъегъилди,
шиникквари файшуна са дагъарилас алайхъуна клес аркай
хъунай: фи ме Іуьссеттарикес аркъаф агъай. Ге гъеге
хІурин гІедат хъунай .*

*Гъеме хІуриъ са баб хъудай , дада ухІае клиркІ ахъунай.
Джаллабури аркъа гІедат акъуна, чара адавай, файшуная
клиркІа учин йиркІвале дад дагъарихъди. Фиркъайчира
дагІай гъузуная ме, атуна дадра. Дадас агуная, фидегъен
къикъи ичин клиркІас уч алайхъас. Сагелай экъуна,
хуппай пуная дада: гъал сара малюкІе зун. Ате гъемисан
багулив фае дарагІ, са чардахра акъуна. Вас зун лазим
хъасе мус - хъунара. Шад хъуная клиркІ, дада гиштити
пеф. Хъурай дад, - пуная ми. Атуна ле дараъ учин дадра,
сасрабурис алайхъуф суман хъурай пуна, адиная клиркІ
хулади.*

*Алттушуная са хубджи вахттар. Кканхъуная ме
клиркІас ппаччагъдин руш. Руш шувас ицІан вахтт хъеф,
ппаччагъди хабар гъикуная учин гъиликк ккееттарис.*

*-Зун зе руш ицІанф зун алихъу ери суалис джуваб
еттис э, пуная ги. Гъер багварихъас вей хъуная
ппаччагъдилди джигъилар, чиппис гІачархъасе гъан пуна
те руш. Адедегъенттарис алихъай хъуная ми суалар.
Садне суалисра кехІей джуваб ес давей хаб чиппин
хулади вей хъуная тебур.*

*Унихъуная ме клиркІас ме хабар ушуная ме
ппаччагъдилди. Алихъуная мис садне суал: гъурзар
акъуная ери инсан, шиберин кунара аликІуна, утун*

багвди. Вафас гъемебурикес зе руш глаттивас хъичин, зун вас сасра суал алихъасе, пуная ппаччагъди.

Хъуттурфуная кIиркI, хъуттурфуная: джалла сад суманттар э, мебур сад суман кунара алди, амма глаттивас хъуна адава мифас. Хуппай кIвал хъуная мис учин дад атунаф те дагъарихъ. Зас са чIукъ вахтт тин зун фикир акъас, зун хуппай джсуваб есе, - пуная ми. Ппаччагъди ахттияр йиная мис. Ме кIиркI гъуккай ушуная учин дадалди. Ахъакъуная ми дадас уч фикъас адинаф чин.

-Зас ппаччагъдин руш кканхъуная. Ппаччагъди учин суаларис джсуваб дайичин зас учин руш ицIанди адава.

-Фи суал вас алихъунаф? - пуная дада.

-Ери инсан атуная сад суманттар, сад суман кунара аликлуна, утун багвди, суратар даргвагъилди: гебуригIас зун ппаччагъдин руш глаттивсуна ккандея.

-Гъушан са Iайи куче хъед ае къаб ккедикI уп тебирис гъилар хъед алгъатас. Идемари гъилар ккеттивасттава, шибири ккедикIасе касиб шибири гъадивасе кучевел, ппаччагъдин рушафас хъасттава ккихас, ти дахи -дахи глаттивасе куче хъегъилди,- дада пуная мис.

Адина кIиркI хаб ппаччагъдилди, тин пуная куче хъед ае къаб. Фай те хъедра хъучучлуная ме тебирихъ. Дада акъе пегъилди, акъуная ми. Магъа ве руш - пуна, агвар акъуная кIиркIа ппаччагъдин руш. Ме суал агъатIуф, алихъа мис хъара ерхъи суал. Гъер са суал алихъудегъен, вей дадалди, ягIар аркъай, агъатIуная ми джалла суалар.

*Пначчагъдис чара хьуна адава дайин атас руш ме касиб
кIиркIас (учин гаф йинай уйи гуна джубаб еттис есе
пуна).*

*Хъай учин сусра, ушуная кIиркI дадалди. Шаб гьал хаб
чахъай хулади. Ке идже усаъ мукъра акъуна ухIа тегунан
хаб кIиркIа учин дад.*

*ДехIела идеф хьасе мисала аеф:
«ХIаф адавайчин, хIа гъвандифас хабар гъуян пуна».*



Легенда «Сабур»

Хъуне агъай, хъундава агъай са дадахъна бабахъ са кIиркI. КIе вахтI хъегуна дада гис васият акъуна ая: «Вун хIа хъегуна, ях туркменарин султанахъди. Гис вун ягIая ги вас Iекъулра есе, кумаkra акъасе».

Дад кIина са пIара вахттар-манзилар алттушугуна, файине ме кIиркIас хъирра. КIиркIра хуне мебурис. Пул хъандагуна кIвал хъуне мис дадан гафар. Рекъуъъ учIуне ме туркменарин пIаччагъихъди вес. Султандихъди адегуна ахъаркъуне гис фуш ичин, фикас адеф ичин. Йине султана ме кIиркIас карра учин хулаъ. ПIара исари акъуне ме кIиркIа гиса кар, хупнай ккан хъуне хулади вес. Уч хезур хъегуна султанаc агъая ме:

-Нанди э ве зас ицIа Iекъул?

-Сабур зе кIиркI - пуная ги.

-Э, зас вун са идже Iекъул ицIаф суман хъуне.

Йине ме кIиркIас пулра кардихъас гъатуне хулади. Хулади адегуна, агуная мис учин хулаъ хъирахъай са идеми. Аттивуне учин ханджалра кIес ккан хъуная ги. Хупнай кIвал хъуная: «Гъага, идеми зас сабур пуна Iекъул йинайи. Сифтта зун хабар гъушанасе фуш ичин ме идеми.

-Фуш ле вахъай гъархъуна аф? Ме хъе кIиркI эхин, пуная хъира. Куме зе кIил зас кIес ккан хъунайи ли.

«Сабур дуьйин абур».



Гъаме ахттилат амефе лап дахи вахттунинхаб. Са хIурин гледат хьуна къараул акьуб хIуппарин кIаратI гьер Iуьшуй. Къараулди вей хьуне Iу-Iутти. Гъамиштити ичира хъадиркIенди хьуне гьер Iуьшуй. ДжемеIетис ппара зарар ирцIанди хьуне. Ахирара хIурин кавхайи унахьуна файдине учин идарайиди къаравулди вереттар.

- Хьин фидегьен ккихасе миштити гъамиша, - пуне ги.

- Магъа зун чвас агъая хIуппарилас са тIутIра алдмарта, йирхIуна люк! Са Iуьшуй са къаравулдин абанкъулдил алекъуне тIутI. Михъ хъае илдеши ппара гагъди фикир дакъуна алгъадивуна йирхIуне туфанг. Ге алгъадаркегуна хабар хьуна джемеIетис адине тич. Агусуман кавхайи хабар гъушуне фие мисаъ хъеф пуна.

- КIаратIилди сад адина уйи, семехьи зе илдешин абанкъулдил экъуне - къараулди джсуваб йине - илдеши агвар акьугуна учин абанкъулдил алеф, зунна йирхIуне гъатис. Тихъай илдешира кIине.

- Фикъас хъасе, - пуне кавхайи, - сад чиппикес, сад хъекес. Фикир дакъуна акьу кардин ахир гъагиштити верефе.

Аркъа кардин гъалатI дахъебан бадалди еригелай алцен - сагелай атI.



*Авалан ахттилатар;
фиштти рагъ фацучин къушан дерейин са хІуригъ*

Экъуна гимил але идемарис гьер ягъа са вахттуни,
рагъ са уса гуланди аргвай хъуне. Яраб ле рагъ фацанас
хъасттавагъан?- пуная сайи.

-Фас верефттава пуна - джигъил идемар ушуна рагъ
фацанас вейчуга акъас. Ери идеми ушуне рагъ гулан
арайиди, гъемишан рагъ учІавусади. Ме идемарис агуне
са хІа улуд, мебурис суман хъуне рагъ учІаф гъамевус
суман.

-Фуш учІасе ме улудиъ? - хабар гъуюгуна, са джигъили
уч учІасе пуне. Джалла рази хъуне. Зун хаб варттра
агъадив пуна ме учІуне улудиъ. Са арайилас ми муркІар
ккерхІай хъуне. Улудихъ хъаеттари фацуна гуджунилди
ме агъдивуне. Хъулангунаса идеми улудиас кІил алдавай
агъдивуне.

Мисаъ багниш ай хъуне. Илдешар чаб чиппигІди
гъургъай хъуне ме улудиъ учІуттил кІил алдей уйигъан,
алдавай уйигъан пуна. Сайифасра джуваб ес хъундава,
ахира сайи пуне, кІил алеф ичин, алдаваф ичин учин
хъирафас хабар гъушуна кканде. Ушуна хабар гъушугуна,
хъира пуне: Шувал кІил алеф ичин, алдаваф ичин зас
ягІайдава, амма ми гьер иса учис цІае бармак аркъафи.
Кар акъас хъучучІастти фикир аркъай кканде. Ме
хІаттарин Іекъул э.



Шагмар хьир

Хьуне агъай авалан вахттуни са шуйна хьир. Шуй уйи агъай хлуппахъан, хьир халдин малдин аркъаф. Шувас агуная хьиран улар фиштти рекIв ичачин шагмардин суман, фиштти хлулакди аруцачин хуларихъ, Iелефра фишттичин. Шува хлуппарил ушугуна пуная хлуппахъанари . Хъакьугуна ги, гъеме зе хизандигъас гучI хьуная зас, шагмарди суман э Iелеф, руцафра шагмардис ухшар атай э. Яшлу хлуппахъанди пуная мис. Руккуна са чаравара, кехъуна ппара къел батIарди руьхъуьна ате. Вун хьеттин тIинкIра амарта хуларихъ, вас ягIар хъасе ве хьир шагмар ичин хумбеф ичин.

Шува хулаъ ушугуна акьуная учис пегъилди. Руккуна чарава са ппара къелра кехъуна руьхъуьна ми. Йина кIилди чарава, хьеттин тIинкI адатуна. Хьира кIилди чаравара IуьтIуна ахьуная аруцуй хьеттихъасра даджикIей. Са арайи гъайишина хьир аруцуная хьеттихъас. ДаджикIиф , алархIуная ме джилил зарт акьуна унара, микес хьуная шагмар. Ихъуна раккан кIучIу улул ушуная ме маллабурихъас ахъ хъед ухас нецIухъ . Шуйра ушуная хьуттурфас. Ухуна хъедра, шагмар хаб алдаркуная. Ме шуй уккай адина хулади кичучIуная ахуникк. Ачайина шагмар алархIуна ме джилил зарт акьуна, кичайина раккан кIучIуккес хьуная микес хумбеф, кичучIуная ахуникк хьир. ГучI хьуна шувас иркIв чирхъвас хьунай агъай. Iеквуфай шуй ушуна хлуппарихъ, пуная хлуппахъанарис .

*Гъемиштти зе хъиракес пуная, хъуна шагъмар хъед
ухас ушуни нецлухъ. Ге хлуппахъанари пуная идемис, вун
ве хъира тенери цла иклугуна, хъузийина ихъ тенери.
Шува гъегиштти акуная, тенери хъузийина ихъуная
хъир, гъарай вей агъай хъиран. «Зе вун ягла IуьтIас
йиркIвур аефи, вун зун угас акъунехин». Шува пуни
агъай. «Хлуб ичин IуьлIенин акъаси зе хъира, варв ичин
малахин».*



Сукъур хІейван

Дахи вахттари хъуная са шагъурдиъ са купец. Ттур хъуная гин Уседом. Адаваф - хъадаваф ахъуна адава мин хулаъ. Салар ацІуна хъайхъуная михъ хІейванар. Амма джсаллабурилас ппара кканвей хъуная мис Догони-ветер (Хъучархъ кулак) агъа хІейван.

Са ягъарикес са ягъа, ушуная ме учин курар ай сасра шагъурдиди. Хаб,верегуна. ДарагІас вере рекъуьъди рукъугуна, хъуная гІуьбехъ.

КкейчІуная мис дараъ са ерхъид къачагъар:Іуд, кичи-щиная хІейвандиккди шилІанар фацанас. Хъучархъ-кулакис сасрабур учигъ гъучавей агуф зийиная мебурилди гъадахъуна гебура ушуная тІурфан хъуна.

Ахъихъуная михъ къачагъар. Нандиъ э - хъучатуна адава ми гебур.

Хулади рукъуф уч сагъди, хІу акъуная эесси: хІейван масса даес, Іуьссе хъичира даруккас, аддикас, хІейван кІесттегъен хъибу сеІ къур гьер ягъа гис ккехъас.

Гъегишиттира пуна, агъушуная ме хулади. Хварахъандис пуная ми Хъучархъ-кулакис батІарди ккехъ пуна.

Ми, гъурт алархъуна ая хІейвандис, эл ккевесттегъен адатуна, йиная хъед.

2

Гъеге ягъанин хаб иттар хъуная хІейван. Акъуная эесси гъамар, акъуная учин ке гІешкъ але хІейвандихъас дардар, хупнай гъушуная учис сасра хІейван. Ме Хъучархъ-кулак бицІи-бицІи йиркІвуралас вей хъуная мин.

Ахиркліл сукъур хъуная хлейван. Фикъас аркъафе сукъур хлейвандис мидегъен къуллугъ пуна, ягъан-ягъан члукъ аркъай хъуная мис ккерхъаттар, хупнай са ягъарикес, са ягъа - къацІра миндавай адикуна ая.

Іурдин микІил ягъ хъуная. Фикъас уч хулади ачадартафчира дагІай, хъагъутІуна эессин хулан раккахъас, клілин ягъ хъуная хлейвандин гашила.

Ахира, чара дахъуна, гашила агъихъуна, ушуная ме рукъа усахъди, са къацІ суман фачархъайчугаакъас.

Тин цилиъ ачатай, мин раккаъ ачатай, аттар-хъуная ме шагъурдин майдандилди.

Ме майдандил, хъитІуна хІа цІагъунарихъ, кейхъуна ахъуная азмаан колокол. Са ягъ, са Іуьщ рукъугуна, са Іае хабар адегуна, джемеІет завал аркъай хъуная колоколдис атай

Гашила адаркая хлейван, адина ачирхІуная цІагъуниъ, фачархъуная милди колокол хъитІуная тІилар, Іелеф эгъан пуна дивуная ми тІил, акъуная колоколди ун. Са арайилас адахъуная джалла джемеІетар.

Завал хъуная халкъ майдандил, хъуттурфанди ая Уседомдин хлейван ая агъирхІуна микІила, гашила, забун хъуна, агъикІуна ирккара. Гъикуная унахъас Уседомдис. Адина Уседом. Акъуная мин суд.

Гъемисал икърар акъуная: хлейван клесттегъен, гис ккехъуб, салан гІанаъ ухІуб. Хъучикуная Уседомдихъ са инсанра, гъикуная фай хлейванра.



Гъина гъинас Јемалар акъунчин

Хъуне агъа хъундава агъа са Къулбан агъа идеми.
Хъахъуная гихъ са гъил ккей ухІая батІар кук укъар.
Фикирар аркъай хъуная мин дусттари, фи Јемал акъуна
Јелагъан агъай те укъар. Са ягъарикес са ягъа экъуна
хъуная мебур кІегІлайихъ. Экъунагуна ккетт файдиная
мебурикес сайи ахттилат.

-Фи ичин ягІав, - пуная ми, Къулбанас, - ягІа-багагъ
дуьйлл ахир заман гъутІанасе агъа. КІилди дуьйя
ккеттархъасе, джаллабурихъай ве гъелидегъен гъил
ккей ухІае укъара кІесе. Див хъин джаллабури хъай
ушуна Іуьчаликкди са батІар хинкІар акъасе, цІее
укъарин якк гІихъуна. Хъурай сара,- пуная Къулбана.

Завал хъуна, джалла дусттара хъай ушуная мебур
укъарра фай ІуьчІаликкди. ДжикІина са батІар мукъра,
руккуна укъара, акъуная мебури хинкІар. БатІарди
фунар ацІу вахттуни, ккан хъуная мебурис яІар ахъас.
Алдахъуна кунара, гІачушуная мебур нецІвугІди.
Элхъенди хъуная мебур, фиштти ІуьтІуне хъин укъар
агъай. Гебури яІар архъе вахттуни, Къулбана завал
акъуная дусттарин кунар файшуна гІихъуная гебур
цІигІ. Фунара ккейшуна, яІар ахъубакесра ацІуна
гІайчІуная мебур нецІвугІас хъуттурфунай мебур -
нандиъра фачархъуна адагъ мебурис чиппин кунар.

-Нахъи мисагъ гъай уйи че кунар?- пуная мебури
Къулбанас.

**-Фиркѡа чве кунари ? ЯгІа-багагъ ахир заман
гъуртІандеф ду ? - пунай Къулбана,- Зун тебур цІиgІ
gІихъуне, кІурар ккиркІухІела. Ахир - замандиъ кунар
алдавайчира фера акъасттава.**

**Хъуттурфуная дусттар сад сайихъ, са чІалра кехІей
пас хъунадава мебурифас Къулбанас. Те ягъан хаб
Къулбанас са инсандира Іемалар акъуфттава агъа.**



Гунин къадри хъуна кканефе

Іейишис джилил агуне адахъуна музе гунивар.

- Гъина мебур хъусас акъуф,- пуне Іейиши учин шиниккварис.

- Чин гебур фадахъундава,- пуне Амината, беликина хъусуфхъасе зунна МехІемада булочка Іелегуна.

- Чвас ягІайду гуни ІуьтІуна кканеф усттулихъ экъуна,- хъел кейсуман пуне баба.

- ЯгІа, яваштти джубаб йине руша.

- ЯгІагуна фас хъусас акъуфе джилиди?

- Час дагуна хъусуттаре,- пушмалди джубаб йине Амината.

- Хъес джаллабурис ягІа гунин къадри хъуна кканеф, ге джилари фадахъуна дакканф,- пуне бицІиди хъел алайшуфсуман Іейиши.

- Хупнай фикъасе джалла Іеле задарикес гуни багъайи фарцанф, пуна хабар гъуюне Амината бабафас.

- Фас ичин ягІав, гуни арайил хъас ппара кар акъуна кканде.

- Фиштти, гуни гІурикес ду аркъаф?

- Хупнай гІур нандиас хъин гъуяф? - элхъуьне баб.

- Диквандиас, - садпуна джубаб йине Амината.

- Диквандиди гъина гъаф?

- Зас аргвайве идемари машинарай гъай,- джубаб йине руша.

- Идемарис нандиас ве, хаб пуне баба. Руш фикирди архъуне яраб нандиас верефегъан, ягІайдава, пуне ги.

Хупнай баба гъавурди ихъуне учин шиникквар. Глур акъас ацлуна лихуна кканде: сазелай узунa кьур, гихъ ахъаджихлуна кканде кегъучласттегъен, хупнай уцуна, алайхлуна, мертт акъуна, руглуна аркъа глур.

Шиниккварис тамаш хъуне мидегъен джафайилди аркъаф идехлела глур. Гьер ягъа глурикес акъу цлае ибгла гуни лутланас ппарттари джафа дивая.

-Дехлела идефхъасе Аллагъди хъес яглар акъунаф гуни зайиъ дакъас,- пуне Амината.

-Валлагъ э. Гуни фадихъуна ккандава, сасрайи фадихъуфра гъадивуна алийина кканефе са лекукк кидававусаъ.

-Луфарис ккехъас кидав баб?- хабар гъуюне Мехлемада.

-Лиштти акъучин хъара идже э, вас лутти саваб хъасе. Фера далара идже кар фи ичин яглав чвас, гуни зайиъ дакъуб, батларди экъуна усттулихъ лутлуб. Зун ппара рази хъуне чваал чун дузди гъавурди архъехлела ме кардин,- пуне баба.



ХІучна сул

Хьуне агъа, хьундава агъа хІучна сул. Хъахьуная мебурихъ са уьттан бучка. Сулас гьете хьумехІела фишттира мукъ ккуьчІай ахьуна адава. Іудара эхьуна ахьуная мебур хулаъ, са арайилас сула руджуралди тахъ-тахъ акьуная. Тахъ-тахъ акьугьилди, сул тегІде хьуна, ушуная ракахъди. Учис э пуная унаркъаф, хевусалди ттур алиянас. Ушуная ме гьегисттира пуна. Сул тегІде хьуна ушуна ІуьтІуная уьттан вартталас. Хулади адиная ме.

- Фуш агъа гьал хеттис? - пуная хІуча.

Сула пуная:

- Варттал багв агъа. - Са бицІи арайилас хаб акьуная сула руджуралди тахъ-тахъ. Хаб ушуная ме, ІуьтІуна уьттра, адиная.

- Мегелай агъа пуная яІан.

Хаб са вахтт ккеттушугуна, хаб хьирхІуная ракахъ. Хаб гъайшина, ушуная сул, хаб адегуна, мегелай агъайи пуная кІен.

Гебура акьуна, ІуьтІуная сула кІилди уьтт.

ХьучучІуная хІаягъар.

- Див, - пуная сула хІучас, - аттафаша хье уьтт.

Ушуная хІуч фера фадай хаб адиная.

- Андава, - пуная ми сулас, - уьтт.

- Гьин наийчве, пуная сула, - уьтт? Вун ІуьтІуна аяфе нандиъ айчира. ХІуч хьучучІуная хІуппур аркъай, учи ІуьтІун дава агъай. Фишттира хьугьуна адава михъ сул.

- Шаб, - пуная ми, - хьин разьугъ гьекъвас. Гьинан фу-
нилас ччем алгъадичи, гьете э уьтт ІуьтІуф.

- Хьурай, - пуная хІучара. Гьегиттира пуна. Іудара
экьуная мебур разьукк. Са арайилас агуная сулас учин
фунил ччем, тегІди-тегІди алттивуна учин фунилас,
китІишиная ми хІучан фуник. КетІуная хІуч- агуная учин
фунил ччем, ге кетІуф суман, кетІуная сулра.

- Вуне, - пуная ми хІучас, - кІилди уьтт ІуьтІуф. Гьушу-
на са хІа кІаира ахьихьуная хІучахь. Касиб хІучас ферада-
вай тІанІ гІачар хьуная.



Куче гъван

Дуламиш вей ахъуная са къуджа. Къуджа хъуная
Іуьссеф, аркбай хъуная фурдекІар, къаравулвел аркбай
хъуная колхузин багъдиъ, гъегитти Іу-хъибу манат
аркбай хъуная учис дуламиш хъас. Хъуьссуйил алхъуная
ахІа ишан. ХІадад хъаттурфугуна, гин хъуьссу элхъенди
айчира, аргвай хъуная хъучадивуна. Шиникквари ягъди
бизар аркбай хъуная хІадад.

Са ягъарикес са ягъа Къулбан агъа гедә ачушуная
багъди хъадикІес гъечар. Къаравул агуф, йехІ акъуна,
гъишас хъучучІуная, хъукъуная къачагъихъ гІархъуная
уьттарарин кІуругІ. Куьдуная джанар алархъуная иъ
гІавчІас вей хъуна адава. ХІуппан рудж суман ахъуна
гедайин шавлар чІурхуна. Къаравулди чІалра дапуна
аттафайина гъайикуная гедә хулади, йина гъечара.
Хъуная гедайис ламус.

Ушуна ме дараъ, гІацахъуная рекъ, гъучархъуная Іуьр.
Агуная мис ІуьрагІас са гъван, икъуна ме гъвандил
шавлара хъуна. Іешалин джувра хъай гъайишина гедә
варвура хутІ икІуф суман. Хъуттурфуная ме варв дава,
куче гъван э.

Гъвандик ликІина ахъуная. «Гъеме гъван сувал
алгъафайшутти. Сувал ягІатІуттис есе хаб джигъил
Іуьмур. Дуламиш хъас цІайин кІилиас».

**Гъеме бала печатІ хъуна адава гъвандик кееф, якъуд
плюсар, хъибуд хатІар, кІаш кехъуная улул ае якъуд
запятабур. Пашман хъуная Къулбан. ХІейиф, меге зас
кІилди ярчІу ис э. Фиштти э бицІиттаригІай вереф.**

**Аркъай фикирар вей хъуная Къулбан, агуна мис вей
къаравул, аркъай хъуьхІуьра, кедагъуна кираджин
бадрара, гІуникІилил алихъуна кІашира, мачалкайин
удигъ багв гъаеф. Идже фикирар архъуная Къулбанан
иркІура, гъала гва зун пасе: ме хІададас те гъвандихъас,
хъасе микес джигъил. ХІадад йиркІв алихъуная Къулба-
нал, пуная чухъ сагъул зе хуттул, къаравулвел атуна,
Іуьр ае вусаъ зун весттава. Зун ушучин ме багъ
ккеттихъасе шинникквари.**



Притча «Ахунна кулак»

Са нубати кулакивна ахунив фай хьуная хӀуьджат. Сад сайис агъай хьуная «Зун ваалас гуджлу э, зун ваалас гуджлу э. Ахирахъди кар фиштти вея мебурин. Ахтармиш акъас фуш гуджлу ичин, вея мебур хабар гъушас хӀуригӀди. Адаркай, адаркай аттархъая мебур Ӏудара са хӀурин гимилди. Ме гимил экъуна ахьуная са бицӀи шиниккв, гъилив гунира фай.

-Вун,- агъая ахуни кулакис - фаттив гуни шиникквифас.

-Хьурай - пуна, фачучӀуная ми.

Учихъ хъаедегъен гудж алихьуная ми гуни фаттивас. Шиниккви кулак къате хъедегъен, гуни цӀуьппи фацая. Хъара къате хъедегъен ярхӀуна мухурис цӀуьппи фацая. Гъеге учифас вередегъенттар акъуная кулаки, амма гуни шиниккивас фаттивас хьундава. Ахир чара адавай ява-яваштти сакин хьуне кулак.

Хуппай хьуная нубат ахунин. Ахуни ява-яваштти, щиринди-щиринди фачашуная шиниккивди. Лекарилас къвакъварилди, къвакъварилас хириди, хириас хьуьссийилди, аттишай-аттишай ачахьуная кӀиркӀахъай.

Шиниккв буш вей - буш вей, ахун ширин вей гъархьуне. Гуни, гъилар буш хьуна, фаттархьуне джилилди. Алдаркуне ахун кулакилди:

-Гъун, амеv ве хӀуьджат захъай?

-Андава - пуне кулаки - вун заалас гуджлу э.



ХІучна сул

Хьуне агъа хьундава агъа хІучна сул. Іурдин вахттуні хьуная мебурис гаи. Сула пуне ге хІучас: Зас батІар Іелеттар ая ус ягІа.

-Нандиъ э аяф? - пуная хІуча. Гьеге Іеквар аявусаъ, - пуная сула.

- Гич зун весттава,- пуная хІуча гисаъ гьурур ая, зас гучІа, гебур хьийичин, инсанари ахьихьуна кІесе зун.

-Вас гучІ мева, - пуная сула -зав гьурурис ахьимихьа агъа кІедж фая. ХІуч хьучушуная сулахъ. Ушуная мебур Іудара ге Іеквар ая хІуригІди. Іелеттарихьас руцае вахттуні, хабар хьуне гьурурис. Хьиланди хьучучІуная гебур. Сул, Іемал кей, гьишиная удигъай, хІучахъра дагъузуна. Гьурур ахьихьуна хІучахъ. Хьучархъай хьунай гьурур хІучахъ фиркьайчира дагІай, хІуча гъарай акьуне агъа сулас:

- Вав фая кІедж, агвар акье гьурурис". Сула ундихьу тІулар акьуна.

Гьурур хьучархьуне хІучахъ, хьатІуне агъа хІучан рудж. Хъара Іайи гъарай акьуная хІуча: "КІедж агваракье, кІедж агваракье».

-Маджал адагуна, маджал адагуна – агъай гьишиная сул.Аамилгуне агъа хІуч руджра хьундай.



Притча «Хандин бугъа».

Са хІуриди адиная агъай са идеми учин гъунара аркъас. Гъунара фи э пичин, хІурин идемарихъай укъас. Ме бугъа уч агучин йиркІвур гучІ архъайи халкъдин. Гъегидегъен азмаф и агъай ги. Ме адеф халкъар завал вей хъуная хІурин гимил, хъуруцуна гим фацуна, тамашибур акъас. Джаллабурун йиркІвур аве агъай «Зун ваъ, фуш хъунара сасра айчІвуна укъасттавагъан михъай».

Агвасе сара. Гъа гъузуная мебур са сеІет, Іу сеІет фушра айчІвай адава бугъайихъай укъас. Ахир бугъа гъавайикес гъургъуне: «Чве хІуриъ идемин ттур алеф аргвай адава зас. Весе зун гъал сасра хІуриди.

Гъеге арайи айчІвуная са хумбеф гъузар акъуная бугъа. – Гъузи, вун тегІди мева, зун айчІвасе вахъай укъас. Элхъуьне бугъа : ГъайчІв, зун хумбеттихъай укъуна пун ттур аркъаев?

– Ваъ, ваъ, – пуная хумбетти – гъузи сагелай вун хІулак мева. Шаб хъин сагелай экъуна ахттилат акъасе.

Экъуная мебур са арайилас – хъира пуная – гъал гъайиш укъас. Гъайишай адава бугъа. Инсанарис Іеламат хъуная, хъуттурфагуна хъира гъил алихъу лек аргІуна ахъуная. Бугъайифас сара гъайишас хъуна адава. Хъир хулади верегуна, алдаркуна бугъайилди пуне:

– Са микъдар кидавай пагъливан э агъай фикъас руцафе вун?



СОДЕРЖАНИЕ

➤ Ккелахъанна хІуч_____	1
➤ Притча «Бабан йиркІв»_____	3
➤ Къаринна къуджайин бахтт_____	4
➤ Бабан Іемал_____	5
➤ Джакъв_____	7
➤ ДалуькІе мукъ_____	9
➤ ХІикаят «Гуг – руш»_____	11
➤ НасихІетин ахттилат_____	13
➤ Фиштти хъира шувас Іемалар акъунайчин_____	14
➤ Качалахъас хІикат_____	17
➤ Мерккурал_____	20
➤ Ппаччагъдин руш_____	23
➤ Легенда «Сабур»_____	26
➤ Ппара алцен - сагелай атІ_____	27
➤ Авалан ахттилатар; фиштти рагъ фацучин къушан дерейин са хІуриъ—	28
➤ Шагъмар хъир_____	29
➤ Сукъур хІейван_____	31
➤ Гъина гъинас Іемалар акъунчин_____	33
➤ Гунин къадри хъуна кканефе_____	35
➤ ХІучна сул_____	37
➤ Куче гъван_____	39
➤ Притча «Ахунна кулак»_____	41
➤ Притча «Хандин бугъа»_____	43